

首所謝皆獲感通上明天尊大慈之澤下副
臣等懺謝之誠謹啓

陸天師盟真齋儀大謝儀文即經中謝經
實之文蓋祖太極敷齋威儀經耳張清都
黃籙儀大謝乃自出機軸為之而詞意頗
繁復故李景祈所傳乃是抹取陸天師盟
真儀大謝為黃籙齋大謝文其間引用張
清都儀不過數語蓋陸天師而未嘗採黃
籙齋儀也經科儀罪質而不華語頗難讀
今人因以為古朴慶元乙卯留中靖來括
答主王夕郎家齋事每讀至大謝處諸孤
以為於事生煎無甚罪過道錄不須如此
儀是未知太上立齋謝之法攝法界一切
衆生罪緣因起今有悔心悔心苟形善心
自著天堂地獄由是分從有人無歸之於
道乎天普地俱攝入一誠願法中故曰大
齋夫豈止為亡者乞恩悔罪而已哉然使
建齋之主因有不滿意處則亦非太上隨
機設教之義杜廣成黃籙齋為同學行道
儀曾引括謝經實之文為大謝矣今某加

潤色今使願易發然誠罪處悉反覆用經
語庶使齋法流傳永劫也

次都講願念

次復爐

香官使者左右龍虎君侍香諸靈官當今修

齋之所生自然金液丹碧芝英百靈聚真交

會在此香火爐前今齋主某存亡受福家園

蒙恩十方仙童玉女侍衛香烟傳臣向來所

啓還御

太上無極大道至真玉皇上帝御前

次吟學仙頌出壇張萬福天師

次出戶呪

次空洞讚引至玄師前列班高功小

啓謝過三禮

次回向讚

次監齋糾過題有無言之無則云壇

有則答白誦師被罰失者請師再解

長跪受罰過於前跪拜依數止之

次讚引法師歸堂

无上黃籙大齋立成儀卷之十七

无上黃籙大齋立成儀卷之十八 在

上清三洞法師李景祈立定

三洞法師冲靖先生留月先傳授

太上執法仙七簿以與重修

科儀門

古法散壇言功儀修齋日散既畢或用

清旦東官初平

次舉唱道讚

次華夏贊引法師參募昇壇念入戶

呪

次從地戶昇天門上十方香

次上御案香呪

次都講唱各種師存念如法

次宣五方衛靈呪

次都講唱法鳴鼓二十四道

次三捨香呪

次發爐

无上三天玄元始三炁太上老君召出臣等

身中三五功曹左右官使者左右捧香驛龍

騎吏侍香金童傳宣散花玉女五帝直符直

日香官各三十六人出出者嚴裝闌燃其處
土地里域真官正神臣今正禱燒香奉為具
官其修建

无上黃籙大齋三日三夜九時行道事克言
功願得太上十方正真生氣降流臣等身中
令臣所啓速達逕御

太上無極大道至真玉皇上帝 御前各三禮

次法師與弟子上十方香

次都講唱各稱法位

具位奉行黃籙大齋言功法事臣某等今故
燒香願以是功德上為天子王侯土地官長
經籍度師山林巖栖學真道士同學之人弟
子某所薦亡靈九祖父母存亡兩代眷屬親
緣內外姻族天下人民飛行蠢動一切眾生
今故捨香皈身皈神皈命太上十方靈寶自
然至真無上大道持乞赦除前世今世生死
所行宿對重過得免離三惡之道十苦八難
九厄之中身侍道真飛行虛空白日升天侍
衛道君逍遙無上金闕七寶自然宮殿水與
道合所啓玄感應聲上御至真無極道前

次都講唱禮十方

至心皈命東方無極太上靈寶天尊九方同

次都講唱各皈命懺悔法印長

臣眾等至心皈身無極大道天尊懺悔齋主

其臣眾等及一切眾生前世今世身形所犯

四肢舉措動違戒律不依經典身業大罪無

量無邊並乞蕩除皆願齋主其臣眾等及一

切眾生身入至仙與道合真稽首禮謝

无上十方正真三寶一作

臣眾等至心皈神無極大道天尊懺悔齋主

其臣眾等及一切眾生前世今世心業所犯

志念不專情浮意蕩馳騁不息心業大罪無

量無邊並乞蕩除皆願齋主其臣眾等及一

切眾生神合真寂洞入自然稽首禮謝

无上十方正真三寶一作

臣眾等至心皈命無極大道天尊懺悔齋主

其臣眾等及一切眾生前世今世口業所犯

善惡及論綺言飾非華詞感眾口業大罪無

量無邊並乞蕩除皆願齋主其臣眾等及一

切眾生性命合道玄會無為稽首禮謝

无上十方正真三寶一作

次都講唱

臣眾等至心皈命太上三尊十方眾聖禮經

如法

次吟三啓頌三首

次都講唱三禮

次旋行收五方真文隨方讀文畢今

弟子執真文於香上熏之叩齒十二

通呪之玉訣云凡所祈禱不先叩齒無

矣或

無上至真 大聖高尊 布化運氣 三十二天

八會九光 自然成文 安鎮天地 保制劫年

元始符命 普告三元 下救九地 上關諸天

中告海嶽 名山大川 今日上告 萬神咸聞

弟子某乙 修齋行道 拔度幽魂 三官九署

削滅罪根 永度三塗 五苦之源 世世受福

記名丹篇 神生天堂 鍊化自然 生死開度

億劫長存 九天告命 風火驛傳衆和

出靈寶內

呪畢置香案上俾未後隨表焚之

散灰青烟之中

次都講鳴法鼓二十四通高功叩齒存九炁光

次都講靈稱法位李景新三監度大

具法位奉行黃籙大齋言功拜表法事臣茶

太上無極大道元始天尊太上大道君太上

老君無上玄老十方靈寶天尊已得道大聖

衆至真諸君丈人三十六部尊經玄中大法

師天師君上相上宰四司五帝三界官屬一

切真靈臣等無極之初因緣至今遭遇大法

真經下世繆荷非分奉受寶文未能超絕世

表匪景幽林長齋苦思以求高蹈而浮沈世

路混同魔俗身口犯違愆過積沓常恐考至

負媿幽明夙夜戰兢形罔措誠知罪穢非
念真之人然受法之日約當罄竭愚效表敬
丹誠廣宣慈風讚揚妙化普令一切咸入法
門凡有級投輒當膺奏今奉詞旨敢不上聞
宣詞
按如詞言在可矜憫臣等輒相攜率依黃籙

簡文威儀舊典於承處靈壇之上設玄科之

式法天象地以承所齋金龍繒絲安鎮十方

本命之信證質丹誠沐浴五體洗心靜念以

今月廿日某時為始奉修黃籙拔度大齋塗

炭稽顙燒香轉經燃燈續明照耀諸天三日

三夜九時行道拔度亡靈赤及弟子某家九

祖父母億劫種種親幽魂苦楚宿對罪根訖某

日亥時功成事畢澤被存亡恩霑家國酬功

行賞過及靈司臣等身中所佩內外真官君

將吏兵及所請靈寶官屬監齋衛真天仙地

仙飛仙真人神人日月星宿九宮五帝三河

四海五嶽四瀆兵馬騎乘諸天監齋具事侍
香金童散花玉女五帝直符直日香官傳言
奏事飛龍騎吏一切官屬法籙治職官君將
吏四方監察土地真官三界神祇往來傳奏
監臨衛護宣通召命營衛齋事並有功勞謹
為拜黃籙朱表一通上詣太上三天曹解壇
還職復請天位重明功德表在臣玉案之上
請看表文
次宣表東表於香上東之即讀法位

於至弟子名皆今拜拜至臣誠性誠
恐展起再拜又至年月日恭焚拜上
又拜

展表玉案上以書刀鎮聖號之左朱

筆鎮右畢高功三捨香叩齒三通長

跪遣表教曰

謹遣臣等身中五體真官官一小吏十二書

佐靈教功曹使者飛龍騎吏嚴裝顯服冠帶

垂纓磨硯點筆簪劍理錄為臣及時操黃素

朱表一通上詣三天曹隨時進對若有謬誤

文字脫漏言詞倒錯不相次比者傳言書佐

習事小吏標龍頭書刀長毫利筆隨誤正定

無今上官典者有所違却閉口悉升還上三

天無極大道太上御前謹勿稽侍左君歷關
右史次祿諸官君屋第以次分別當令所請
者下所居者到所濟者度所宣者通所還者
違所願者應所求者得者有下官故悉邀截
臣表文不使上達者收赴所在近獄依律治
罪以明天憲臣退伏案前伏待報應
次收表入函畢夏引表下壇
次法師向天門伏地存神呈進如儀

次焚表於天門法師起 奉笑詞頌

次都講唱長跪內官如法

法師三上香叩齒十二通納官

臣奏表事竟建齋之始所出身中功曹使者一切具官仙君吏兵並還臣等身中從衆妙

門而入在左還左在右還右直使功曹主領檢押還復本位無令差互須臾又到一如故

事中曲三通唱法三通存三五上章官史各復身中再拜

次都講唱長跪還戒如法法師而東西

臣等學法未備俯仰之格進止犯科不合儀式恐為四司所糾五帝所執千愆萬過乞從赦賞哀原未悟不見罪罰臣等建齋之始奉請智慧上品十戒法事既竟為還天官謹上啓闕伏祈昭宥臣等誠惶誠恐稽首頓首再拜

次還戒頌三禮曲三

天專大慈慈 說戒度眾生 威德被幽顯 果報感神靈 諸天來稽首 魔王自來形 過去超八難 見在保千齡 齊福行當息 相共送虔誠 流梵逸雲唱 飛香雜烟馨

瓊鳳乘丹華 金龍駕綠駟 生死皆快樂 家國志安寧

次宣山簡叩齒九通長

宣山簡舉東官拜拜今弟子執簡稽香烟上高功面東叩齒九通呪曰東

同聲

玄上開明 元始監真 上帝五老 赤書丹文 天地本始 總領三元 攝炁召會 催僕舉仙

高上符命 普告十天 日月星宿 五嶽靈仙 天上地下 溟泠大神 監生主錄 南上三門

關領玉簡 勅名丹編 削落罪書 上補帝臣 經過至道 修齋立功 拔贖九祖 一切苦魂

行道事光 謹依靈山 請投玉簡 乞削罪名 皆蒙解脫 無有冤親 去離三惡 魂升九天

生死開度 萬劫常存 今日上告 萬神咸聞 請以龍簡 關盟真官 乞如所告 金龍驛傳

次宣水簡如山簡

宣水簡舉高功面東呪曰 玄始五老 上帝高尊 十方至真 太華靈仙 赤文告命 無幽不聞 上御九天 請下玉文

日月五星 北斗七元 中告五嶽 四方靈山 下告河嶽 十二泉源 九府水帝 冥泠大神 今日上告 萬願開陳 修齋行道 普為存亡 請贖七祖 宿對罪根 謹投玉簡 乞得上聞 記名水府 過去升天 生死開度 萬神咸聞 請以龍簡 告盟水帝 賜如所陳 金龍驛傳

次宣土簡如山簡

宣土簡舉高功面東呪曰

天地開張 九炁分靈 三元同符 十方朗清 五老上帝 開其領生 丹書赤文 元始上精

普告天下 九土皇靈 今日上告 萬仙定生 修齋行道 普為存亡 我願我仙 請投玉名

土府太皇 勅除罪形 奏簡上宮 列簿舉青 早得飛騰 天地同靈 九祖種親 萬骸更榮

魂升南宮 變化仙庭 今日告命 萬神咸聽 請以金鈕 表明至情 請如所告 金龍驛呈

右三簡呪出靈寶書

次吟投龍簡頌

次都講唱東官納職各拜三寶前謹

高功又三

拜還畢

次復爐

香官使者左右龍虎君待香謝靈官官今解
散黃籙齋壇之所自然生金液丹碧芝英百
靈眾真交會在此香火爐前弟子存亡受
福家國霑恩十方仙童玉女侍衛香烟傳臣
向來所啓迎御

太上無極大道至真玉皇上帝 神前各三禮

次法師上香而東立辭三寶 此壯廣

時留已過日影漸虧香遍虛無鴻鐘息響道
遠金闕經入玉函稽首皈依 和無上道寶

香隨風散聲入泰清名掛金牌題書玉簡仙
童上記玉女進文稽首皈依 和無上經寶

道場圓滿法席周圍一切眾生登無為岸稽
首皈依 和無上師寶

願諸眾生諸惡莫作眾善奉行常生中土不
墮邊方六道蒙恩都罷對過禮十方 和得

道真仙一切聖衆 一拜

次旋行誦三塗五苦頌下榜 出消廣

志智慈本 願大成

次吟解壇頌

次吟學仙頌旋行出壇 出本無數者

次出戶呪

次詣五帝三師監齋三官天師幕玄
師幕 謝禮

次華夏引高功歸室

次眾官禮法師三拜長跪謝曰

恭等叨佩下風預瞻法事雖違科戒多有違
愆願垂恕亮 三拜

弟子率男女大小詣師九禮三伏謝

曰

恭等千生慶會蒙師開度齋功成就生死荷
恩不勝忝切自初迄終觸物短關願垂開宥

又三拜 受福

无上黃籙大齋立成儀卷之十八

无上黃籙大齋立成儀卷之十九 在元

廣成先生杜元庭集

科儀門

禁壇儀 諸師下降單單夏引一周至
正一法師一人主存知本儀別選
禁壇法事如高功自行亦可

泰玄都正一平炁係天師其治祭酒亦天三

五步罡元命真人臣某上言臣聞運陰陽者

莫過乎百靈齋 存亡 者豈逾於大道故碧落

有奕祥之變令人測之黃籙有拯拔之科今

人修之臣雖至愚切慕玄化謹佩大法叨稱

治官所歷壇場敢忘報效以今某年太歲某

甲某月某日奉為某官某處官觀為某事崇

修无上黃籙大齋若干日夜行道轉經依科

關奏臣等湔形鍊氣棲心靜神勉期奉行敢

不上啓伏惟太上布惟新之令開覆育之恩

敕下真官分司降監使烟雲暫息於三界風

雨無施於四溟灑謝必聞啓傳無聞臣不勝

仰望之至精思念具伏侍報應

平曠目思青龍朱雀白虎玄武次頭
歲十五星日月映然四方垂手握固